



Kamis, 30 Nopember 2022
Ogen: Epesus 5:24



PATUH MAN PERBULANGEN



Penundukan diri adalah tanda status lebih rendah. Bagenda me secara umum erti kata tunduk, tungkuk. Lebih asa si e banci ikataken maka tunduk sada cara ngergai ras ngakui kecibal kalak sideban. Si enda teridah arah gambaren budaya-budaya si lit i bas doni enda, i ja ia mere salam man kalak sideban alu tungkuk, nghamati kalak sideban.

I bas renungenta enda teridah Petrus nehken pengajaren kerna hubungan sekalak perbulangen ras ndehara. Sekalak ndehara isuruh arus patuh man perbulangen. Patuh, e me ngelakoken sada perbahanen alu la melala nungkun, lakoken saja. Payo kin diberu ngue-ngue saja? Ngikutken kai nina perbulangen dinge perbulangen si kuga nge si man ikutenken? Tentuna enda jadi sada perenungen man jabu-jabu si sempabu. Perbulangen si arus ipatuhi e me si biakna desken biak Kristus. Perbulangen si keleng atena ndeharana bagi ia ngkelengi dirina jina. Perbulangen si nggit ngkorbankan dirina bagi Kristus mereken dirina guna perpulungen. Kuga ka kita ndatken perbulangen si bage rupana? Nina kuan-kuan kalak Karo 'er-endi-enta', nina kalak Melayu 'anda jual saya beli.' Arus ngenda sialon, la banci sada pihak saja ngelakoken tanggungjawabna, arus duana. Sekalak perbulangen ndatken sekalak ndehara si patuh dikune ia ncibalken diri selaku sekalak perbulangen si dem keleng ate, dem tanggungjawab. Terdauhen, jabu-jabu Kristen arus rusaha ncibalken jabuna alu kerina biah-biak ras nilai-nilai keleng ate, labo situntuten hak ras kewajibenna tapi erlumba erbahan si mehuli. Erlumba nehken keleng ate dingen ndalanken tanggungjabap. Enda me si jadi arapen ras totonta i bas kegeluhen enda.

➤ *Patuhlah kam pekepar rikutken sura-sura Dibata*